

Yuehal Sul So Ber

1

¹ Gieyoxr, ngo mel Yisu leil ddarzzi su mel leil guaxr su camar ddei a. Ni mel ngo yarzi perniar dae ddei nga a. Ngo eil mel ni leil vaexr gger.

² Ngo perniar dae nimar, Arbosobo ni leil azo bei lei seir lol nia, ggecir zzaso lol nia, hherdder nixmox zzar zzaso dae ho sael a nga lol.

³ Arzzi-nimar armel a ngua dax lei a bbeix, ni ddarzi mel noni, halae ddarzi mel dax bei mae dae zzor. Yel ngo yarzi sael ggesee. ⁴ Ngo, ngo ddei aniu^a mel ddarzi mel dax bei mae dae bbejjiur a mel bir azo lerler ggeseddu leil lei ggesee leixl.

⁵ Ngo perniar dae nimar, ni arzzi-nimar mel leil nr saexl bbeixarnar, halae yaa leil yarzi hoxrcixl. Eine bei a mel ni Arbosobo dax bei mae dae a. ⁶⁻⁷ Yaa lei ni ca leil arsae perniar dae mel, ngua dax eilmaex jiaxlhuixl gga biar dae. Yaa mel Yisu Zidu leil visser a, kebal mermi ssi. Halae Arbosobo leil ddar-nr-zzi su mel dax azo lei nr li. Yel nimar, ngo ni leil qie, yaa ni dax ddux car a lei, zeixleixr yaa leil hoxrcixlcixl arla beijjiu a, Arbosobo leil nixmox lodda lol, eine bei nia. ⁸ Niul mel ca eil mel leil hexl mibbe, eine nga a mel niul dder yaa dax cirgo a Arbosobo leil visser dae a, ca mel leil ddarzi mel saexl lol a.

⁹ Ngo halleix nia ddei jiaxlhuixl leil eil mel vaexr gger goxr a. Nael nia ca mel gga vaervaerpor bei meixr su Diutexlfei ddei mel ngo vaexr dae eil mel leil bbirbbor lei nr gie. ¹⁰ Yel ngo nia dax lei car a, ngo dder yar arsae bei dae hal mel bbeix teixl lei nia. Yar mel dder ngua leil bbeixno, bbeix vuxryixr. Eine lar nr nga a nei, yar arzzi-nimar leil nr hexl nr bbeix,

^a**1:4** *aniu* Yuehal ddei “aniu” mel dder Yisu leil ddarzzi su mel nga a. Yuehal Vaexr Sul Nr Ber leil lei biar dae.

kebal arzzi-nimar leil hexl niazzir su mel leil lei yar nr hexl lol. Yoxl hexl niazzir su eil mel leil lei jiaxlhuixl gga nr hher lol ggaxr teixl gger.

¹¹ Ngo perniar dae nimar, nia nr seir bei su hal mel sael a bei nr ddo, seirseir bei su hal mel sael a bei nia. Seirseir bei su mel mel Arbosobo ddei aniux a; nr seir bei su mel nael Arbosobo leil nr saexl.

¹² Nael Dirmirdiu mel ca seir ar ddei a. Daxrhoxr lei eine bbeix dae. Yar lei ddarzi mel dax bei mae dae. Ngua lei yar mel ca seir ar ddei a bbeix. Nia lei saexl, ngua nia leil bbeix gger dae ddar mel yarzi a.

¹³ Ngo halae zeixleixr ni leil ddar cirke vaexr gger niazzir dae seir, nael ngo maexrzixr sser a, ni leil vaexr gger nia-nr-zzir. ¹⁴ Ngo hormo ardae nr nga dder ni dax ssi a, ni dax malma biar niazzir.

¹⁵ Arbosobo ni leil nixmox zzaso lol nia. Ngua dax eilmaex gaxggor carbeix mel lei ni leil zzasoso dae biex dae. Ni lei ngo leil ni dax halmaex gaxggor carbeix cirddeir-hanga leil zzasoso dae biex gger ssi ngor.